



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

XVII. Die von Bredow vergleichen sich mit dem Bischof Busso von Havelberg über die den Unterthanen des letztern zu Lentzke und Brunne im Luche zustehende Wiesen und Holznutzungen, am 20. Octbr. 1490.

[urn:nbn:de:hbz:466:1-54581](https://nbn-resolving.org/urn:nbn:de:hbz:466:1-54581)

kamen dat wy alle stücke, puncte vnde artikel vorgeseuen hebben bewillet vnde vulbordet bewillen vnde vulborden de ock yegenwardich In craft dusszes breues vnde hebben des to forder orkunde vnfers Cappittels Ingheseghel wiliken heten mede hanghen an dussen breff am daghe vnd Jare vorgeseuen.

Nach einem alten Havelbergischen Copialbuche.

XVII. Die von Bredow vergleichen sich mit dem Bischof Basso von Havelberg über die den Unterthanen des letztern zu Lentzke und Brunne im Luche zustehende Wiesen und Holznutzungen, am 20. Octbr. 1490.

Wy achym von Bredow ritter, haffe de Olde, Albrecht vnd geuerd van Bredow alle gefetteren to frisack gheseten, Bekennen apenbar In vnd mit dissem vnfen apen breue vor ydermennichlich, de enhe Sehn horen edder lesen, Nachdem sick elige erringe tuschen dem Erwerdigen In got vater vnd hern hern Bussen Bisscop to havelberge vnd finer gnaden vnderdhan haluen In den dorpern lentzke vnd Brunne eyns vnd vns anders deyls der Weyde, Grefinge vnd wische haluen tuschen den gedachten dorpern bi vnnnd vpp dem lughe darfuluest gelegen, begeuen, der wy denne dorch den Erwerdigen In got vater vnd hern hern Joachim Biscop to Brandemborg, vnfen gnedigen hern, Den gestrengen vnd werdigen Ern Joachim Wagenfcutte Comptur to Mirow vnde Ern Johans Benedicti praueft to Stendal van vnfenwegen vnnnd denn Erwerdigen In gott hern Tiderick von Bülow doctor vnd postulate der kercken to Iubusz den Eddeln Hern Jaspar Ganzze hern to pothlitze vnde diderick Roer van des gnanten vnfes gnedigen hern van havelberg wegen In nachgeseuener wise vnd forme nach bewilligunge beider partye bededinget vnd genzligen vorscheiden sin vnd also dat sick des gnanten vnfes gnedigen hern van havelberge vnderdhan In den gedachten dorpern lentzke vnd Brunne der gemelten grefinge, weyde vnd wische van vns edder vnfen nu vnd furder thokunstich vnuorhindert gneten vnd gebruken schullen vnd mogen, darvor see alle Jar am dage palmarum itzlich dorpscap eyn sehokk Brandeborgerscher grossen vnd waringe, als sie van alder gegeuen hebbenn, ane vortoch furder vns van Bredow reycken vnd geuen schullen: vnde de wile de gnanten vnderfaten fulke twe seokk tynsz geuen, schal enhe sodan nuttinge vnd weyde, wische vnd grefzinge van vns vnwederroplich bliuen: worde ouerst ymands van ergnanten vnfes gnedigen hern van havelberg vnderdhanen van dato vnd gheuinge duss breues nye wische effte wesen vpp dem gnanten Luge Raden vnd macken, dat schullen sie mit vnfen willen dhon vnd sick des mit vns vordragen. Furder is der holtinge haluen beredet worden, dat de gedachten vnfers gnedigen hern van havelberge vnderfaten sick dër wo nochher gescheen isz, wanner wy edder de vnfen de holtinge openen werden, vmme gewonlike tynse wo de andern vmmeliggende dorppschoppen bekamen vngeweigert gebruken vnd geneten schollen, Jedoch so bescheyden dat see vmme bwholt sunderlich mit vns reden vnd vnfen willen darvor hebben, Duffe vorgeseuen puncte vnd article gereden vnde lauen wy obgnant van Bredow vor vns vnd vnfen eruen ewich vnuorbroken to holdende. Des to groter Orkunde vnd Bekentnisse hebben wy dussen vnfen breff mit mynes Achym van Bredowes Ritters anghenagen Ingesegill, des wy vns hirtho alle In sampt gebruken, vorsegelen vnd dem gedachten vnfern gnedigen hern van havelberg auerantwerden laten vnde eynen andern breff ghelikës

ludes van finer gnadenn entphangen, Geuen to lentsche nach Cristu vnfers hernn geborth duent
virhundert Im Negentigsten Jare, am Midweken nha luce Ewangeliste.

Nach einem alten Havelberger Copialbuche.

**XVIII. Bischof Buffo von Havelberg beleiht Claus von Siethen mit einem Hofe im Dorfe
Dochtow, am 20. Oct. 1490.**

Wy Buffo, von gots gnaden biscop to havelbergh, bekennen apenbar tugende vor vnz
vnd vnse nachkamen Biscoppe to havelbergh, Ok suft vor aliweme, dat wy vth funderliger gnade vnd
gunst hebben ghelegen vnd lyen Jegenwardigen In kraft dusses breues dem vorsichtighen Clawesz
van Tziten, des duchtigen vnzes leuen ghetruwen Claws van tziten to deechte Im lande to
bellyn itzundes wonhafflich, sonen, eynen hoff myt Twen houe landz dar suluest to deechte belegen
den Itzundes bewonet vnd buwet Jasper Ribbe myt pechten, plichten, plegen vnd vnpleghen, dinsten,
gerichten, Rochon vnd aller ander tobehoringe nichtes vthgenahmen, wo de ghenante Claws vnse leue
ghetruwe sodanz hertho In rowliger brukinghe ghehat vnd beseten vnd vor vns dem gnanten synen
sonen willich ghegeuen vpghedraghen vnd gentzlich so vorlaten, Ok darann aller rechticheit heft vor-
treden, Doch also, weret desz gnanten vnser leuen getruwen vedderen vnd rechte Eruen de van
Tziten to Deechte In sampden lenhen derhaluen mochten syn vnd sittén, Sodann hoff vnd houen
van desz ghemelten Claws elike husfrowen affte sinen kinderen Ifft hee ithlick na sick lethe wedder
hebben vnd to sick losen wolden, Sodanz seolen se macht hebben de frowe vnd kinder na desz vil-
gnanten Claws dode mit druttich scogk Brandenburgsch were afftekopen: vnd also wen der frowen
vnd den kindern der haluen de lose eyn half jar touorn ghekundiget itz vnd vp sodan half iar der
losze kundigen negt van den vorgemelten eruen de XXX scogk werden tor noge an eynem Summen
betalt, denne vnd nicht erer scal Sodan hoff vnd houen mit aller tobehoringe den gnanten van Tziten
vnd eren eruen leddich vnd losz wesen myt sampt den lenhen vnd gerechticheiden wy dar auer vor-
legen vnd ghedan hebben, doch vnz an vnserm vnd eynem isligen suft an sinen rechticheiden vnse-
delick vnd hebben des dem gnanten Claws to eynem Inwyser geuen den duchtigen vnser leuen ghe-
truwen wicherd Bellin to karwesen wonhafflich. Hyr an vnd oner syn ghewesen vnd tugen de
Eddeln Jasper ganz here to potlest, hern Otto von konigesmarke prowest vnser ker-
ken to havelbergh vnd Diderik Ror myt mheren andern loffwerdigen. To orkunde vnd forder
wissenheit hebben wy vnse Ingesegel wiligen heten hengen an dussen bress vnd gheuen vp vnsem hafe
to lentsche, Nach der gebort cristu vnfers hern verteynhundert Im negentigsten Jaren, Am midweken
nach Luce Ewangeliste.

Nach einem alten Havelberger Copialbuche.